

Tuzla, 28.09.2023.

Nabavka televizora i prečišćivača zraka

Poziv za ponude

Centar za ekologiju i energiju (u daljem tekstu CEE) poziva **firme koje se bave prodajom tehničke opreme da dostave ponude za nabavku televizora i prečišćivača zraka i to: 6 LED TV 43" Smart, 4 prečišćivača zraka, površina filtriranja do 60 m²**. Nabavka tehničke opreme se provodi u okviru projekata: „Mladi za čist zrak“ u okviru aktivnosti zagovaračkih kampanja.

Kontekst, pozadina i svrha nabavke

Građani Bosne i Hercegovine, zbog rada termoelektrana, zastarjele industrije i prekomjernog korištenja uglja sa visokim emisijama zagađujućih materija, izloženi su lošem kvalitetu zraka koji negativno utiče na njihovo zdravlje. Mladi su nedovoljno uključeni u rješavanje ovog problema, nedostaje im znanja o temi, njihove ideje nisu vidljive, a njihovi glasovi se ne čuju dovoljno da utiču na donošenje odluka. Stoga je potrebno stvoriti mogućnosti da povećaju svoje znanje i vještine da govore i djeluju na skupovima i sastancima sa lokalnim vlastima, organizacijama i općenito u javnosti i na taj način ostvare svoj potencijal nosilaca društvenih promjena, da zagovaraju za njihova prava na čist zrak i vode inicijative za klimatske promjene u svojim zajednicama. Zbog važnosti izgradnje vještina i podizanja svijesti među mladima o zagađenju zraka i zaštiti okoliša, ovaj program će raditi na izgradnji njihovih kompetencija i osnaživanju, čineći ih vidljivijim u društvenom i političkom svijetu, što će im biti osnova za nastavak nastojanja da zauzmu leaderske pozicije u društvu i da rade na problemu zagađenja zraka i zaštite životne sredine. Kao dio projekta, planirana je zagovaračka kampanja mladih u 10 gradova u BiH.

Da bi mladi imali alat preko kojeg mogu pratiti i informisati druge o kvaliteti zraka i mjerama za smanjenje zagađenja neophodni su im televizori i prečišćivači, koji će biti u okviru ovog projekata i ovog javnog poziva nabavljeni i donirani školama.

Tehničke karakteristike opreme

	Opis	Komada/količina
1.	Televizori:	
	LED TV 43" Smart (Samsung, Philips, Sony ili drugo u tom rangu), garancija minimalno 2 godine	6
2.	Prečišćivači zraka	
	Prečišćivač zraka, površina filtriranja do 60 m ² , display (XIAOMI, Beurer, Rowenta ili drugo u tom rangu)	4

Molimo da svoju finansijsku ponudu pošaljete u KM sa PDV-om i uključenom isporukom za Tuzlu, Sarajevo, Zenicu, Maglaj, Kakanj, Bijeljino, Brčko, Ugljevik, Lukavac i Živinice **do 02.10.2023.** na email: amra.skramoncin@ekologija.ba.

Napomena:

Ukoliko ne možete ponuditi oba tražena artikla, molimo Vas da nam pošaljete ponudu za onaj artikal koji nam možete isporučiti. Ponude za svaki artikal će biti odvojeno razmatrane. U ponudi navedite rok za isporuku za pojedine artikle.